



職方典第四百五十卷

南陽府部彙考四

南陽府城池考

南陽縣附郭

府志

本府城池秦置宛城南陽郡荊州記曰郡城週三十六里至唐移郡於鄧城漸圯止存西南隅元置府治不復改作明洪武三年指揮郭雲因元之舊址重修甃磚週圍六里二十七步高二丈二尺廣亦二丈二尺池深一丈七尺闊二丈建門有四京曰延曦南曰清陽西曰永安北曰博望建角樓四敵臺三十警鋪四十三成化十九年重修至明末流寇蹂躪樓櫓廢缺門關敗燬

皇清知府王燕翼設東南城門各四扇順治四年知府辛炳翰重建南門樓康熙二十三年知府張在澤重修女牆

外州縣

南召縣城池明成化十三年置縣南陽府同知任義南召知縣張珙始築城週圍三里四十步

高二丈五尺廣一丈六尺池深一丈七尺闊二丈門三東曰東興南曰博望西曰永豐上各建樓正德十三年知縣彭倫增修建窩鋪八角樓四嘉靖甲午知縣馮鯨重修易東門曰通汴南曰近宛西曰連嵩各增建戍樓隆慶庚午知縣李璽瑩以磚石更於北城建樓題曰望京其東南西樓改作高大亦如北樓南陽方九功記

皇清順治十三年知縣馬應祥重建南遠門

鎮平縣城池世傳爲漢安衆故城明成化六年知縣李賢因舊址修築週圍五里一百三十步高一丈八尺廣八尺池深一丈五尺闊如之十八年知縣劉勳展南城數十步名其東門曰安陽南曰便民西曰武平北曰懷遠有展城記萬曆間知縣翁金堂重修更名其門東曰毓元南曰宣昭西曰省成北曰賓穆至李劬復扁其門東曰瞻旭南曰景正西曰觀成北曰拱辰崇禎年知縣鍾其碩週圍增築營房八百餘間添置警臺十二座後圯於寇

皇清知縣李似楠重修至順治十四年城爲雷雨崩頽知縣王繼祐重修日久復壞康熙二十七年

知縣張琮重修

唐縣城池元至正間建城明洪武三年金吾右軍千戶程飛卽舊基修築天順間千戶齊政重修週圍六里三百八十步高二丈五尺廣一丈一尺池深一丈六尺闊二丈門四角樓四敵臺警鋪三十四正德十年通判陳頊十二年知縣李鐸千戶王拱繼修城池高深各增數尺崇禎十五年署縣事王澤深於闖寇毀壞之餘填塞補葺爲一時守衛尋多崩闕

皇清順治九年知縣李芝英重修至康熙四年知縣田介更爲修築城郭乃完

泌陽縣城池唐泌州城明洪武十四年知縣胡惠因元時舊址修築高一丈二尺廣八尺池深一丈闊五尺上各建樓初止東西二門成化五年知縣魯常重修始作南門門三東曰固本西曰敷德南曰宗盤置警鋪八正德六年知縣劉璣重修甃磚於外十二年知縣郭繼祖增甃磚於內嘉靖間知縣王世安龔文魁相繼修葺崇禎辛巳以後屢遭巨賊蹂躪拆毀過半

皇清順治六年知縣韓志道重修康熙二十四年知縣雷珽重修二十五年知縣莫國芳因城門狹隘增修闢大如舊制

桐柏縣城池明成化二十年都察院右副都御史原傑巡按河南御史吳道宏創建築城週圍

四里一百八十步正德六年知縣李聚鬻以磚高一丈二尺廣一丈池深八尺闊一丈五尺門四東曰接楚南曰嚮明西曰導淮北曰拱極建角樓四警鋪八嘉靖間知縣曹侃王鯤相繼修葺

鄧州城池卽古穰縣舊有內外二城元末俱頽明洪武二年金吾衛鎮撫知鄧州孔顯始築內城週圍四里三十七步高三丈廣二丈五尺池深一丈五尺門四東曰迎恩南曰拱陽西曰平成北門以形家言不敢因不名六年始甃以磚建門樓四角樓四月城小樓四甃縣小樓三窩鋪三十三女牆一千三百九十一郡人王誼記外城元史天澤築後廢明弘治十二年知州吳大有重築週圍一十五里七分高一丈廣五尺因舊爲五門曰大東門小東門南門小西門大西門門各建樓大有自記正德六年知州于寬增修外城重建門樓五月樓五浚池深二丈闊六尺引刁河水灌之學正華綸記嘉靖三十二年知州王道行又增修外城角樓四窩鋪二十一垛口一千七十引靈山水灌池內郡人藍瑞記三十五年知州張仙復修外城五樓萬曆三十八年知州趙沛復修外城五門及樓扁其南門曰南控荆襄東曰東連吳越西曰西通巴蜀

小東曰大水環清小西門曰紫金浮翠先是嘉靖間知州王道行遶外城種樹千株年久無存至浦復濬河植樹崇禎七年知州孫澤盛修外城窩鋪及女牆二重十年流賊張獻忠陷鄧州知州劉振世以外城寥闊力不能守乃併力修築內城

皇清順治三年闖賊餘孽劉二虎攻城二十七日掘地道七處不陷知州馬迪吉乃增修圓城角樓四敵臺三女牆一千三百九十一懸樓三十座砲臺三十四座迪吉自爲記十五年霍雨磚城墮四處知州馮九萬修凡二十丈五尺日久磚城內牆崩削剝及女牆康熙三十年知州趙德重修凡三百六十八丈

新野縣城池漢昭烈始築土城週二里南齊劉思忌爲新野郡守增築外城因名舊城爲子城明天順五年知縣趙澂卽舊基重修週四里高一丈三尺廣一丈五尺池深五尺闊一丈五尺門四東曰朝陽西曰通德南曰望遠北曰迎恩上各建樓成化十二年知縣孫詔修築覆以椽瓦正德六年知縣高廷祿增修外甃以磚列樓櫓高增一丈二尺得二丈五尺嘉靖四年知縣江東復內甃磚浚池深增五尺得一丈闊增一丈得二丈五尺明末寇亂頽敝

皇清順治六年知縣汪永瑞重修南城樓十五年知縣崔誼之重修東西北城樓城垣歲久圯壞康熙二十五年知縣顏光是重修

內鄉縣城池舊城隋時築於內鄉保三渡河東十里許漢丹水縣所隸地歷唐宋至金以縣治去州遠徙洛陽鎮卽今城也初建土城週三里許至元時已就傾頽明洪武二年知縣羅維一增建景泰三年知縣鄒安重修天順五年知縣鄭時展拓修築週九里七分高廣皆一丈二尺池深八尺闊一丈二尺四門各建重樓正德元年知縣張經瑩以磚石扁其門東曰仁和南曰望楚西曰通泰北曰安阜萬曆二十七年知縣尙從試重修四門大樓并角樓窩鋪易其門扁東爲賓日南爲納薰西爲饒景北爲拱辰崇禎末遭賊李自成焚毀

皇清順治二年知縣余時發粗爲補砌四年知縣陸登甲於每門舊樓址修屋三楹十二年知縣王襄明修角樓三座窩鋪三十間

淅川縣城池明成化八年置縣南陽府同知盧信全知縣武文始築城週四里高一丈七尺池深如之門四東曰迎恩西曰鎮浙南曰楚望北曰天樞上各建樓置敵臺十二四城各有警鋪



正德十二年知縣熊价因流賊起增甃磚石浚濠加深嘉靖間知縣趙璋修葺萬曆五年知縣王道十年知縣劉承範相繼修理崇禎十年流賊張獻忠破城樓櫓盡毀署縣事鄧日崇於各城門上建瓦亭三楹至十八年李自成屠城俱廢

皇清知縣馮爾遲重修

裕州城池宋末建城明洪武三年南陽衛指揮使郭雲修築週圍九里一十三步高二丈廣一丈五尺池深一丈闊二丈門四東曰賓旭西曰望成南曰阜有北曰建安正德十二年知州郝世家始爲磚城高三丈二尺廣二丈外建月城四高廣如之四門各建重樓角樓四敵臺二十二警鋪四十南陽王鴻儒記疊經兵燹損壞順治十二年知州陸求可粗爲修葺康熙二十六年知州劉珪亮修西城門樓二十七年知州潘雪桂建北城門樓

舞陽縣城池世傳楚平王建舊土城高一丈八尺週六里三百七步池深一丈二尺闊一丈八尺郭高如城週八里成化十九年增築正德庚午流賊劉惠陷城知縣周達乃甃以磚石增高三丈廣半之門四東曰懷德西曰振威南曰拱翠北曰環清上各建樓置角樓四窩鋪二十垛



口三千有奇正德十三年知縣吳鼎增建月城四敵臺二十嘉靖三年知縣樊景麟浚池深一丈五尺闊二丈爲護城隄闊一丈隆慶三年城垣墮二百餘丈知縣張澍補修五年復墮至萬曆間修完暨於

皇清四城樓俱廢順治十五年知縣張蕙重建康熙十九年東城樓頽知縣金標重修二十五年南城樓頽知縣蘇虔重修二十八年城墮十餘丈垛口三十六敵臺一知縣祖良屏重修

葉縣城池卽古昆陽城北齊阜昌七年縣治北徙於此劉思忌因舊址修築明天順五年縣丞魯偉增修週一千六百步高二丈七尺廣二丈五尺池深一丈二尺闊一丈四尺門三南曰昆陽西曰西成北曰北朔正德八年知縣石鼎始甃以磚十二年知縣姚文清增築月城三上各建樓其高廣皆如城置角樓四敵臺十四警鋪三十二嘉靖元年知縣張廷柱浚南北門之西及西城濠各闊十丈深二丈六年知縣李克濁復浚南北門之東及東城濠深廣如西城因舊渠引昆水注其中遭明季兵火後雉堞樓櫓半就傾圯

皇清順治十二年知縣許鴻翔修葺康熙二十四年知縣呂柳文重修

集鎮

南陽縣

青華鎮城西南五十里

穰東鎮城西南六十里半屬鄧州

瓦店鎮城南六十里

博望鎮城東北六十里卽博望驛

石橋鎮城北五十里

安臯鎮城西北四十里

三十里屯城南

陸官營城南四十里

賒旗店城東九十里

禹王店城東南三十

里 馮家集城西南六十里

許家坊城東北十五里

新店城東北三十里

尹

店城北六十里

蒲山店城西北四十里

栗河店城東十里

濠河店城西三十里

南召臺頭鎮縣南四十里有東西二處

曹家店縣南三十里

南召店縣南

北召

店縣北

羅漢店縣西

茶庵店縣北

鎮平縣

賈宋鎮縣南

土門村縣南鑿沙岡闢南北門曹操攻張繡僞鑿地道遁去卽此地也

鳳洋店沙埠店

嚴陵店有上下二處

西河店

瓦踏峪

紅花峪

八里店

高丘

店縣西北

唐縣

青臺鎮縣北六十里

桐河鎮縣西五十里

郭家灘縣西南六十里

郝家寨縣北

九十里

長秋店縣西南四十里

白秋店縣西四十里

田九店縣西南五十里

倉臺店縣西南九十里

龍潭店縣南七十里

湖陽店縣南八十里

井樓店縣東

三十里

戴家店縣北四十里

馬鎮店縣東南五十里

畢家店縣東四十里

板倉店縣東南七十里

泌陽縣

饒良鎮縣西七十里

羊冊鎮縣西北七十里

古路鎮縣東南二里

曹館驛縣東

四十里

高家店縣南二十里

周家店縣西三十里

馬谷田縣東南三十五里

雙山店縣東北五十里

沙河店縣東北一百二十里

程家店縣西南三十里

官

莊店縣西北四十里

桐柏縣

平氏鎮城西九十里

吳城鎮城東五十里

固縣鎮城東六十里

盧家寨城西七

十五里

果園城西七十里

有東西二處 胡家店城西四十里

毛家集城東一百

里

出山店城東三十里

高店城北九十里

鄧州

穰苴鎮卽古涅陽在州東北六十里半屬南陽

張村鎮州西北六十里

急灘鎮州東

四十里

七里店湍河北岸

白牛店州東北三十里

軒店州北二十里

十里

林店州西北八十里

羅莊店州西北八十里

半劉店州西四十里

馬莊店州西

五十里

九重墩店州西六十里

王良店州西南二十里

林家店州西南五十里

構林關店州南四十里

胡義店州南七十里

古村店州南六十里

桐柏店州南

五十里

桑家莊州東南三十里

程家集州北三十五里

厚陂集州西六十里

韋家集州西九十里

胡鐵集州西南三十里

夏家集州東北二十里

魏家集州

南八十里 油李寨在清涼寺 順化營州東北三十里

新野縣

新店鎮縣南三十里 沙堰鎮縣北三十里 岡頭鎮縣北四十里 樊家集縣北二

十五里 陳家集縣南三十里 王家集縣西二十里 龍潭集縣東三十里 沙

臺店縣南十八里 張家店縣南三十里 槐樹店縣北一里 雙洋店縣東北四十

里

內鄉縣

丹水店菊花店 王家店縣東三十里 馬三店縣東五十里 許家集縣南四十里

張家集縣南四十里 蒿溪集縣南九十里 新橋集縣南九十里 連橋集縣南一

百里 魯家集縣南一百二十里 堡南集縣南一百二十里 大窩店縣西五十里

東平頭縣西八十里 岡底縣北二十里 七峪店縣北七十里 黃市店縣北一百

三十里 瓦屋店縣北一百五十里 桑平店縣北三百里

浙川縣

程寬埠口店縣東南七十里 康家店縣南十二里 全家店板橋保縣北二十五里

鶉鴿峪上白亭保 吳村店縣西九十里 黃河店吳村東北 東馬蹬縣東三十里

陳家店縣東五十里 白亭店縣西三十里 柴家店縣南十五里 張豁店縣西三

十里 吳家店縣北三十里 史家店縣西九十五里 劉梅店縣北四十五里

南馬蹬縣東南三十里 李尙仁店縣西北七十里

裕州

許封鎮久廢 羅駒鎮久廢 興隆鎮新集 招撫岡州東 扳倒井州東 龍

泉店州東 唐新店州東 歇馬店 古莊店 賈河店 梁城店 史家店 大酒店

小酒店 陌陂店州南 券橋店 廓封店州西 趙河店州西

舞陽縣

北舞鎮 吳城鎮 馬村鎮 卸甲店 接官亭 王家店 姜園店



菱湖店

澧河店

張家店

栗樹店

尙家店

路家店

陸家店

邵家店

七里店

淮堰店

呂家店

葉縣

舊縣鎮縣南三十里

保安鎮縣南六十里卽保安驛

洛岡鎮縣東北五十里襄城界

汝墳店縣北十五里

遵化店縣北二十五里

留侯店縣東三十里有子房廟

桃

奉店縣東五十里舞陽界

孟奉店縣西五里

任店縣西二十五里宋名宦任楠葬此

龔家店縣東北十八里

嚴村縣西北五里

黃棟嶼縣西北三十里寶豐界

邵奉

店縣東南八里

墳臺店縣東南三十里有王喬墓

圪塨店縣東南六十里舞陽界

栗林縣西南三十五里

長村縣西南五十里裕州界

南陽府關梁考

府志

南陽縣

南召魯陽關縣北魯山界漢置關左右連山插漢秀木千雲晉張景陽詩朝登魯陽關峽路峭

且深淮南子魯陽公與韓酣戰日暮麾戈日反三舍卽此

鴉路鎮關今李清店舊設巡檢

司

南渠河橋

鄧禹橋瓦店南

北魏公橋東郭北二里

新建橋北郭二里

三里

橋北郭三里

景家橋城東北三十里

飲馬橋城東北三十里

梅林鋪橋城東北

五十里

博望橋博望清河

石橋在城北泗水河上有南北二橋

東琉璃橋東郭

二里康熙三十二年知府朱璘修自爲記

仁濟橋東郭三里

板橋城東白河

雙

橋城東二十里

栗河橋城東十里

西二里橋

三顧橋西郭南五里

馬良橋

西郭三里

十二里河橋

青龍橋縣南二里

通濟橋縣南二十里

北清陽渡

卽今三橋

南襄陽渡渚水

渠店渡縣南四十里渚水

鎮平縣

東三里橋

東安橋城東沙溝

達義橋城東二十里

西三里橋

晁陂橋城西

二十五里

曲家屯橋城西四十里

安陽橋南門外

四門橋

唐縣

石峽口關城東北鑿石爲道臨河負山僅通車馬昔人置關於此明初南陽衛撥軍把守今廢  
板橋凡六春夏秋舟濟冬乃設之 平氏橋城南十里三家河 安義橋 湖陽橋俱城  
南 八里橋 大石橋 青臺橋俱城北 三里橋 青塚橋 沙河橋俱城東 通  
濟橋城西 桐江橋城西三十里 車港橋城東南十里 八仙橋城西南四十里  
留賓橋城西北二十五里 蔡陽橋城西北 泚河渡一在城西桐河保一在城北坊廂  
保

泌陽縣

象河關縣北一百二十里舊設巡檢司

廣濟橋縣北五里

諸馮橋縣西二十里

通濟橋縣西南五里

大石橋縣東北二

十里

琢成橋縣東北九十里

雙廟橋縣東北二十五里

象河橋縣東北一百二

十五里

官莊橋有二俱在縣西北後河